

i FLETËUDHËZUES I PAKETIMIT:
Informacion për pacientin

SOLUCION FIZIOLOGJIK

Tretësirë me pika për hundë – 0.9%
(Klorur natriumi)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

1. Çfarë është Solucion fiziologjik dhe përse përdoret
2. Përpara se të përdorni Solucion fiziologjik
3. Si ta përdorni Solucion fiziologjik
4. Efekte anësore të mundshme
5. Si ta ruani Solucion fiziologjik
6. Informacion i mëtejshëm

1. ÇFARË ËSHTË SOLUCION FIZIOLOGJIK DHE PËRSE PËRDORET

Solucioni fiziologjik është tretësira izotonike e klorurit të natriumit (0.9%), e cila përmirëson kongestionin nazal duke ndihmuar në lëngëzimin e sekrecioneve të hundës.

Përdoret në rastet e kongestionit të hundës.

Mjeku juaj mund t'ju ketë dhënë barin Solucion fiziologjik për një qëllim tjetër. Pyesni mjekun tuaj nëse doni të dini pse ju është dhënë ky bar.

2. PËRPARA SE TË PËRDORNI SOLUCION FIZIOLOGJIK

Mos përdorni Solucion fiziologjik nëse keni mbindjeshmëri ndaj përbërësve të tretësirës. Nuk ka të dhëna për kundërrindikime të klorurit të natriumit kur përdoret në formën e pikave për hundë në indikimin e përmendur më lart.

Tregoni kujdes të veçantë me Solucion fiziologjik

Nuk ka të dhëna për përkujdesje të veçanta gjatë përdorimit të klorurit të natriumit në formën e pikave për hundë për indikimin e përmendur më lart.

Marrja e barnave të tjera

Ju lutemi të kontaktoni me mjekun ose farmacistin tuaj në qoftë se jeni duke marrë / përdorur ose keni marrë / përdorur kohët e fundit barna të tjera, përfshirë ato të marra pa recetë. Mos harroni të

informoni mjekun tuaj për trajtimin me barin Solucion fiziologjik në qoftë se ju jepet ndonjë bar tjetër gjatë trajtimit. Gjithsesi, nuk njihen ndërveprime farmakologjike me barna të tjera.

Përdorimi i barit Solucion fiziologjik me ushqim dhe pije

Nuk ka të dhëna.

Shtatzënia dhe ushqimi me gji

Mund të përdoret.

Drejtimi i automjetit dhe përdorimi i makinerive

Nuk njihen efekte të tilla të cilat mund të dëmtojnë vigjilencën e personit nga përdorimi i barit Solucion fiziologjik, tretësirë me pika për hundë.

Informacione të rëndësishme për disa nga përbërësit e Solucion fiziologjik

Solucion fiziologjik përmban metilhidroksibenzoat (nipaginë). Mund të shkaktojë reaksione alergjike (ndoshta të vonuara).

3. SI TA PËRDORNI SOLUCION FIZIOLOGJIK

Solucion fiziologjik përdoret lokalisht me pika në hundë.

4 - 10 pika në ditë, të administruara në mënyrë lokale në hundë.

Foshnjat: 1 – 2 pika në secilën vrimë të hundës përpara ushqimit. Kjo ndihmon lirimin e hundës dhe lehtëson ushqimin me gji.

Në qoftë se keni përdorur më shumë Solucion fiziologjik

Në qoftë se keni përdorur më shumë Solucion fiziologjik se sasia që duhet të përdornit, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

Në qoftë se harroni të përdorni Solucion fiziologjik

Në qoftë se harroni një dozë (ose më shumë doza), përdorni dozën në vazhdim kur të jetë koha për përdorimin e zakonshëm të saj.

Mos përdorni një dozë të dyfishtë (ose më të lartë) për të plotësuar dozën (dozat) e harruar(a).

Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFFEKTE ANËSORE TË MUNDSHME

Nuk janë konstatuar efekte të padëshirueshme.

Në qoftë se vëreni efekte anësore që nuk përmenden në këtë fletëudhëzues, ju lutemi të lajmëroni mjekun ose farmacistin tuaj.

5. SI TA RUANI SOLUCION FIZIOLOGJIK

Mbajeni larg fëmijëve!

Mos e përdorni barin Solucion fiziologjik pas datës

së skadencës e cila është e shënuar në paketim.

Mos e ruani në temperaturë mbi 25°C!

Ruajeni në paketimin origjinal!

6. INFORMACION I MËTEJSHËM

Çfarë përmban tretësira me pika për hundë

Solucion Fiziologjik

Lënda aktive është klorur natriumi.

1 ml Solucion fiziologjik përmban 9 mg klorur natriumi.

Përbërësit e tjerë të tretësirës janë metilhidroksi-benzoat (nipaginë) dhe ujë i pastruar.

Përbajtja e paketimit

Kuti me një shishe plastike 10 ml.

Mbajtësi i Autorizimit për Tregtim dhe Prodhuesi:



PROFARMA sh.a.,
Ruga "Skënder Vila",
Tiranë, Shqipëri.
Tel.: +355 4 23 89 602

Ky fletudhëzues u rishikua për herë të fundit në Janar 2024.

